

a.3 GELAKO OHITURAK: ASTEKO ARDURADUNA




Hasieratik zenbait errutina edo ohitura hartzea; luzaroan lagungarriak egingo zaigu. Gelan, astero, arduradun bat egongo da eta honek bi lan izango ditu:

1. Bata eskolara sartzean: EGURALDIA ETA DATA.
2. Bestea eskolatik irten aurretik: SEMAFOROA.

Helburuak

- Diziplina arazoei aurre egitea.
- Eguraldia eta data euskaraz adierazten ikastea.
- Umeek ardurak hartzea eta hauek betetzea.



Prozedura

- Gelako hormaren zati bat hartuko dugu asteko arduradunari eskaintzeko. (Oso garrantzitsua da umeek garrantzia duela ikustea).
- Umeei argazkiak egingo dizkiegu asteko arduradun izatea egokitzen zaienean argazkia dagokion lekuan itsasteko. (asteko arduraduna kartelean).
- Asteko arduradunak, gelara sartzean “eguraldia eta data” kartela beteko du (bere azalpena dauka).
- Asteko arduradunak, gelatik joan aurretik semaforoan eguneko jarrera jarriko du (bere azalpena dauka).

Oharrak

- Garrantzitsua izango da umeek ulertzea ardura ez dutela hezitzailearekiko hartu, bere ikaskideekiko baizik.
- Eguraldia, urtaroak, hilabeteak eta asteko egunak euskaraz izendatzen ikasteko lanketa dago. Ekintza bakoitzak bere azalpena dauka.